



Broj: 05-07-745-05/05
Mostar, 08.11.2005. godine

Na osnovu člana 14. Zakona o električnoj energiji („Službene novine FBiH“ broj 41/02, 24/05, 38/05), člana 37. stav 5 Poslovnika o radu Regulatorne komisije za električnu energiju u Federaciji Bosne i Hercegovine („Službene novine FBiH“ broj 59/04), a u vezi s članom 52. stav 3 Pravilnika za tarifnu metodologiju i tarifne postupke Regulatorne komisije za električnu energiju u Federaciji Bosne i Hercegovine („Službene novine FBiH“ broj 45/05) i članom 92. stav 2 Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine FBiH“ broj 37/05), Regulatorna komisija za električnu energiju u Federaciji Bosne i Hercegovine – FERK je dana 08.11.2005. godine na XVI redovnoj sjednici donijela slijedeći

ZAKLJUČAK

1. Spajaju se predmeti i to:
 - po podnesenom zahtjevu za odobrenje tarifa za djelatnost distribucije električne energije br. 07-02-647/19/05 od 01.10.2005. godine Javnom preduzeću «Elektroprivreda Bosne i Hercegovine» d.d. Sarajevo, i
 - po podnesenom zahtjevu za odobrenje tarifa za djelatnost snabdijevanja električnom energijom br. 07-02-647/20/05 od 01.10.2005. godine Javnom poduzeću «Elektroprivreda Bosne i Hercegovine» d.d. Sarajevo.
2. O spojenim predmetima vodit će se dalje jedinstven postupak.
3. Ovaj zaključak stupa na snagu danom donošenja, te se objavljuje na oglasnoj tabli i web stranici FERK-a.

O b r a z l o ž e n j e

Članom 52. stav 3 Pravilnika za tarifnu metodologiju i tarifne postupke Regulatorne komisije za električnu energiju u Federaciji Bosne i Hercegovine, propisano je da ako podnosilac zahtjeva obavlja više elektroprivrednih djelatnosti, dužan je podnijeti zahtjev za tarife za svaku djelatnost zasebno. U skladu sa naprijed navedenim, J.P. «Elektroprivreda Bosne i Hercegovine» d.d. Sarajevo je podnijelo zahtjev za odobrenje tarifa za djelatnost proizvodnje električne energije br. 07-02-647/18/05, zahtjev za odobrenje tarifa za djelatnost distribucije električne energije br. 07-02-647/19/05 i zahtjev za odobrenje tarifa za djelatnosti snabdijevanja električnom energijom br. 07-02-647/20/05, koje je FERK zaprimio dana 01.10.2005. godine.

Prilikom razmatranja podnesenih zahtjeva, FERK je vodio računa o činjenici da je provođenja aktivnosti FERK-a u neposrednom odnosu s provođenjem aktivnosti iz usvojenog Akcionog plana Federacije Bosne i Hercegovine za prestrukturiranje i privatizaciju elektroenergetskog sektora u Bosni i Hercegovini („Službene novine FBiH“ br. 31/05). Kako navedeni Akcioni plan uključuje prestrukturiranje



distributivnih područja u Federaciji BiH osnivanjem supsidijarnih društava za distribuciju i snabdijevanje električnom energijom u okviru J.P. «Elektroprivreda Hrvatske zajednice Herceg Bosne» d.d. Mostar i J.P. «Elektroprivreda Bosne i Hercegovine» d.d. Sarajevo krajem 2007. godine, to je FERK prilikom pregleda zaprimljenih zahtjeva i dokumentacije priložene uz njih utvrdio da se zahtjev za odobrenje tarifa za djelatnost distribucije električne energije i zahtjev za odobrenje tarifa za djelatnost snabdijevanja električnom energijom baziraju na istom činjeničnom stanju i na istom pravnom osnovu, te je FERK stvarno nadležan u pogledu oba zahtjeva.

Na osnovu naprijed navedenog odlučeno je kao u dispozitivu zaključka.

POUKA O PRAVNOM LIJEKU:

Protiv ovog zaključka podnosilac zahtjeva može tužbom pokrenuti upravni spor kod Kantonalnog suda u Mostaru u roku od 30 dana od dana primitka zaključka. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNIK FERK-a
Risto Mandrapa, dipl.ing.maš., s.r.